



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XVI. Soluuntur alia Caluini argumenta.

[urn:nbn:de:hbz:466:1-54092](https://nbn-resolving.de/urn/resolver.pl?urn=urn:nbn:de:hbz:466:1-54092)

pter merita Israëlitarum, Deum fecisse humano generi. Dicitur INDE etiamsi ad literam potissimum de liberatione à servitute Babylonica Propheta loquutus fuisset, quid hoc faceret contra Satisfactionem, quam nos defendimus ad expiandam pœnam temporalem alterius seculi, & vnicuique propriam? pœnas enim huius seculi, & præsertim communes toti populo, iam antea docuimus non semper Satisfactionibus expiari, quemadmodum non semper immitti.

Dicitur ENIQUE illa cōditionalis assertio: Si à reatu liberamur per Christum, pœnas quæ inde proueniunt, cessare oportet. si per reatum intelligamus obligationem ad pœnam, verissima est: sed illud non est verum, per Christum semper liberations ab omni reatu pœnæ temporalis; etiamsi nulla interveniat Satisfaction. Si verò per reatum significetur culpa, siue offensio, ob quam debitum pœnæ luendæ contrahimus; falsa cōditionalis assertio est. Si à reatu liberamur, pœnam cessare oportet: multa sunt enim, quæ sine certis caussis non orientur, quæ tamen orta manent, sciaussis pereuntibus. Ædificium sine ædificatore non fieret: quod si semel factum fuerit, manebit, licet continuò ædificator pereat. Itaque recte S. Avgvstini tract. 124. in Ioan. Productor, inquit, est pœna, quæcum culpa, ne parva putaretur culpa, si cum illa finiretur & pœna.

ATQUE ita soluta manent illa omnia argumēta, quæ Calvinus insolubilia esse, solita temeritate iactauerat: super sunt tamen adhuc alia quædā argumenta, quæ obiter Calvinus in sequētibus paragraphis, dum aliud ageret, id est, dum argumenta Catholicorum soluere niteret, inseruit.

C A P V T XVI.

Soluuntur alia Caluini argumenta.

GITVR in codem cap. 4. §. 35. adducit S. Ioannis Chrysostomi testimonium ex lib. 3. de Prouidētia, ut probet Deum non inferre supplicia ut peccata puniat, sed tantum, ut peccatores excitet ad resipiscētiā: & idem cōfirmat testimonio Hieremias, & Osee Propheta rum; sic autem loquitur: *Stultissimus fuerit, si quis arbitretur, presentis vita calamitates in peccatis noxam esse nobis*

. D d d d d 5

nobis

nobis impositas. Id mihi videtur Chrysostomus voluisse, eis
sta scripsit: Si ob hoc pœnas infert Deus, & in malis personis
rantes ad Pœnitentiam vocet; ostensa Pœnitentia, superflua
sam erit pœna. Quare prout omnis cuiusque ingenio expedire
nouit, ita hunc maiori asperitate, illum benigniori tractat in
dulgentia. Itaque ubi docere vult, se non esse in pœnis exigui
dis immodicum, exprobrat duro & obstinato populo, quod per
cussus, non tamen faciat finem peccandi. Hoc sensu conque
tur, Ephraim esse quasi placentam ab una parte torridam, &
altera parte incoctam: quia scilicet non penetrabant manus
ferula, & vitiis excoctis, populus ipse capax lenientiae fuit.
Certe qui sic loquitur, ostendit, simul ac quisque resipiscit,
se mox fore placabilem, sibi que nostra peruvicacia exprimit,
quem exercet rigorem in castigandis delictis, cui voluntaria
correctio occurreret.

R E S P O N D E O , calamitates, quæ impiis immittuntur à
Deo, sæpe numero ad eum finem immittuntur, ut illi resipi
scant: id tamen non esse perpetuum, testantur mortes Sodoma
mitarum, Pharaonis, Antiochi, Herodis, & aliorum, qui di
vino iudicio percussi, miserè interierunt. Ceterum, tamen
eiusmodi calamitates, quæ conuersionem præcedunt, sæpe
ut dixi, ad resipiscientiam referantur: ex tamen quæ post con
uersionem sequuntur, de quibus nos hoc loco agimus, nou
ad resipiscientiam, sed ad offensam aliquo modo compensan
dam referuntur. Sequi autem post conuersionem pœnas a
liquas temporales, vel in hac vita, vel in futura; satis lupi
probatum esse credimus.

N E Q U E testimonium S. Ioan. Chrysostomi cum nostra
sententia pugnat: tum quia loquitur ipse de pœnis, quæ con
uersionem præcedunt, quas æquum est esse, cum ijs, qui
flagellabantur, serio resipiscunt: tum etiam quia sanctus
Chrysostomus per pœnitentiam non significat solam resi
piscientiam, sed integrum Pœnitentiam, quæ præter inter
nam conuersionem, & gemitum, exteros etiam labores at
que opera satisfactoria comprehendit: æquissimum autem
est, ut ostensa Pœnitentia, id est, cum peccator se ipse affigit,
& punit, dignosque facit Pœnitentiæ fructus; pœna divini
tus inficta cesseret.

Q U O D autem Deus queratur, durum & obstinatum popu
lum,

lum, qui à Hieremias & Osea sub nomine Ephraim reprehenditur, diu percussum, non fecisse peccandi finem: significat quidem, iis flagellis populum percussum, ut tandem aliquando resipiceret; sed non inde sequitur, non oportuisse eum populum post conuersionem in cinere, & cilicio, in ieiunio, fletu, & planctu pœnitentiam agere, eaque ratione pro culpis pœnitentis Domino satisfacere.

ALIVD argumentum in eodem §. 35. dicit Calvinus ab exemplis eorum, qui sine ulla imposita multa iustificati leguntur: Legitur, inquit, Publicanus descendisse è templo iustificatus: pœna nulla sequitur. Petrus delictis ventam obtinuit: lachrymas eius (inquit Ambrosius) legitimus, satisfactionem non legitimus. Audit Paralyticus, Surge remittuntur tibi peccata tua: pœna non imponitur. Omnes quæ in Scriptura rememorantur absolutiones, gratuita describuntur. Ex hac exemplarū frequentia, regula potius peti debuerat, quam ab Econico illo, quod nescio quid singulare continet.

RESPONDEO, regula doctrinæ Catholicae non ab unico Davidis exemplo perita est, sed à multis Scripturæ testimoniis & exemplis, ab vsu vetustissimo omnium Ecclesiarum à communi Patrum Latinorum, Græcorumque consensu. Sed tamen unicum etiam Davidis exemplum, si quis recte iudicare possit, plus valet ad sententiam nostram confirmandam, quam exempla omnia, quæ Calvinus protulit, ad confirmandam. Siquidem PUBLICANVS ille legitur quidem iustificatus præ Pharisæo, non tamen ab omni reatu pœna liberatus. Deinde non sine satisfactione iustificatus dici potest, qui peccatus suum percutiebat, qui humillimè Domino supplicabat, qui neque ad interiora templi accedere, neque oculos ad cœlum sustollere audebat. PARALYTICVS audiuit: Confide fili, remittuntur tibi peccata tua; sed quis dicit, an peccatorum nomine sola culpa, & pœna æterna eo loco non intelligatur? quis dicere auderet, ipsa paralyse tam diuturna & quo animo tolerata, non eum pro delictis suis satis Deo fecisse? Quis neget denique, Christum pro arbitrio culpam, & omnem pœnam remittere potuisse? nec tamen ministris licere omnia, quæ domino liceant? PETRVS non solum resipuit, sed etiam amarissimè fletu: quo fletu Domino satisfecit.

Miror

Miror autem Caluinii vel imprudentiam, vel malitiam qui aut Ambrosij testimonium non legit, aut eo ad fallendum abuti voluit. Sanctus enim A M B R O S I V S nomine satisfactionis eo loco excusationem, sive defensionem cimini apertissimè designauit: laudat enim Petrum, quod misuerit lachrymando confiteri, quām loquendo excusat de lictum. Sic enim legimus lib. 10. in Lucam cap. 96. *Malus ipse suum accusare peccatum, ut iustificaretur fatendo, quia grauaretur negando.* Et infra: *Non inuenio quid dixerit, inuenio quod fleuerit: lachrymas eius lego, satisfactionem in lego: sed quod defendi non potest, ablui potest.* & in serm. vbi eandem illam sententiam posuerat: *Lachrymas lego, satisfactionem non lego: subiecit, Recte Petrus fleuit, & tacet, quia quod defteri solet, non solet excusari.* Itaque SATISFACTIONE eo loco defensio, & excusatio est, quo sensu dicitur. Pet. 3. *Parati semper ad satisfactionem omni poscenti iurisdictionem, de ea, qua in vobis est spe.* Et Act. 24 inquit Paulus *Bono animo pro me satisfaciam.*

Argumentum POSTREMVM Caluinus petit ex quatuor Chrysostomi Augustini testimonioribus, quae tamen nullo negotio poterunt explicari. PRIMVM testimonium CHRYSTOMI est homil. 2. in Psal. 50. vbi sic legimus: *Vbi misericordia flagitatur, interrogatio cessat: Vbi misericordia postulatur, iudicium non sanxit: Vbi misericordia petitur, pena locum non est: Vbi misericordia, quaestio nulla: Vbi misericordia, donata responsio est.* SECUNDVM testimonium eiusdem est homil. 10. in Genesim, vbi Chrysostomus dicit, nihil ultra nobis Deum requirere, quām ut delicta nostra cum lachrymis apud se confiteamur. PRIMVM testimonium AUGUSTINI est in lib. de dogmatibus Ecclesiasticis, cap. 54. vbi definitur Satisfactione ad hunc modum: *Pœnitentia Satisfactione est, causas peccatorum excindere, nec eorum suggestionibus aditum indulgere.* SECUNDVM testimonium eiusdem, encyclo quo libro; neque enim certum locum notauit: *Cara Christi, inquit, verum est, & unicum pro peccatis sacrificium, non modo iis, quae uniuersa in Baptismate delentur, sed quae postea ex infirmitate subrepunt, propter quae uniuersa quotidie clamat Ecclesia, Remitte nobis debita nostra; & remittetur per singulare illud sacrificium.*

RESPON.

RESPONDEO PRIMVM, Chrysostomi testimonium misericordiam generatim commendat. Ac verissimum est, misericordiæ opponi iudicium & pœnam: qui enim misericordiam querit, non vult subire iudicium; & qui ex misericordia indulgentiam consequitur, non debet subire pœnam, quæ sibi condonata est. At ex hac generali commendatione misericordiæ, non potest rectè colligi, non oportere pœnitentes satisfactione iniuriam aliqua ex parte compensare, nisi aliunde constet, ex misericordia condonari illis à Deo nō solùm culpam, sed etiam omnem omnino pœnam temporalē, & sempiternam.

Itaque idem C H R Y S O S T O M V S in eadem homil. paulò inferius, hæc habet: *Miseretur quidem Deus, sed non passim miseretur: provocat nos, & dicit, Da & tu aliquid; non quia ego tui ego, sed quia volo, & te aliquid conferre ad tuam utilitatem.* Et infra: *Deus dicit, Da mihi confessionem tuam, & lachrymas Pœnitentia.* & homil. in Psalm. 6. explicans quantas lachrymas David Domino dederit, qui tamen misericordiam flagitabat: *Non tantum, inquit, lachrymatus est, sed etiam lachrymis lectum lauit, non uno, aut duobus, aut tribus diebus, sed etiam singulis noctibus.* Et non solùm dicit prateritum, sed etiam futurum. Ne putetis enim, quod cum hoc semel fecisset, deinceps se quieti tradiderit, & laxamento Christi sit: sed hoc assidue fecit per totam vitam. & homil. in Psalm. 106. Confessio, inquit, Pœnitentiam monstrat, Satisfactionem sibi diuina pietate conciliat. Et infra: *Pecus est, Dei offendam non Satisfactione placare, quam peccando Dei honestatem offendere.*

ALTERVM Chrysostomi testimonium docet, ad amicitiam Dei recuperandam, sufficere contritionem veram, quæ confessionem peccati coram Deo cum lachrymis factam, & propositum vitæ melioris complectitur: non excludit autem C H R Y S O S T O M V S opera laboriosa, post amicitiam Dei recuperatam, ad reatum pœnæ temporalis delendum, ut ex multis eius testimoniis suprà probauimus.

Id ita esse, perspicuum erit ex homil. de B. Philogonio, vbi fuisse habentur ea, quæ ex hom. 10. in Genesim Caluinus adduxit, sic enim loquitur: *Ego testificor, ac fideiubeo, Et si nostrum quisq[ue], qui peccatis obnoxij sumus, recedens à pristinis malis,*

malis, ex animo vereq; promittat Deo, se postea nunquam illa redditum, nhtil aliud Deus requirat ad satisfactionem. Ceteriorum: benignus enim est, &c. quo loco per Satisfactionem intelligit excusationem, & sensus est; Deum non requirere, ut peccatum defendamus, vel excusemus, & ratione reddamus, cut hoc, aut illud fecerimus, sed satis illi esse, si simpliciter peccatum cōfiteamur, & promittamus nos deinceps non peccaturos: dixerat enim paulo ante: Discede animo, virtute amplectere, desistere à prauitate: pollicere te posse et non commissurum, & istud sufficiet ad excusationem. In eadem autem homil. Chrysost. ante docuerat, Satisfactionem, id est, opera laboriosa requiri, vel certe eorum propositum, si temporis angustiis quis excludatur: Proinde, inquit, & tu quibus rebus prouocasti Deum, per has rursus fac propitium. Prout casti illum pecuniarum rapina, per easdem illum reconcilia: cumq; & rapare stineris, & alia insuper addideris, discito iuxta Zacheum: Reddo, si quid rapui, quadruplum. Prout casti lingue maledicentia, muliis contumelias affectis. Sic etiam lingua placato, puras emittens prece, benedicens maledicentibus, laudans & superantes, gratiamque iniuriam inferentibus. Hac non egent multis diebus, consuevit, sed solo animi proposito & uno die perficiuntur.

Testimonium AVGVSTINI, sive Gennadij potius, et lib. de dogmatibus Ecclesiast. definit Satisfactionem veram ab effectu: illa enim est vera, seriaque Satisfactionio, ex qua sequitur, ut radices peccatorum euellantur, & boni habitus virtutum acquirantur, ex quibus fieri, ut non facilè deinceps malis suggestionibus aditus patesiat. Nam aliqui in eod. lib. cap. proximo, id est, 53. Auctor illis disertis verbis Satisfactionem docet: Quamuis, inquit, quis peccato mordeatur, peccandi non habeat de cetero voluntatem, & communicatus satisfaciat lachrymis, & orationibus. Et paulo post: Sed hoc de illo dico, quem capitalia, & mortalia crimina non gravant: num quem mortalia crimina post Baptismum commissi premunt, hortor prius publica Pœnitentia satisfacere, & nisi sacerdotis iudicio reconciliatum, Communionis sociari, si vnde non ad iudicium & condemnationem sui, Eucharistiam percipere. Sed & secreta satisactione solus mortalia criminum negantur, sed mutato primo seculari habitu, & confessio res-

quam studio, per vita correctionem, & iugi, immo perpetuo luctu, miserante Deo, ita duntaxat, si contraria pro his quæ pœnitent, agat. Hæc ille.

Ex quo intelligi potest, quām intoleranda impudentia Calvinus post allegatum cap. 54. huius auctoris, hæc verba subiunxit: *Quo apparet, illis quoq; seculis irrisam paſſim fuisse Satisfactionis doctrinā, quæ pro admissis delictis rependi diceretur: cū omnem satisfactionē, ad cautionem referat, se in posterum à peccatis abstinenti. Sanè qui mendacium scribere ausus est, quod ex eodem ipso loco, vnde mendacij occasio sumpta est, tam euidenter coarguitur: in rebus paulò obscurioribus, qua temeritate grassabitur?*

ALTERVM Augustini testimonium nulla indiget expositione. Fatemur enim peccata omnia remitti per sacrificium Crucis: nam ex eo sacrificio vim habent Baptismus, & Sacra-menta cetera, quibus homines iustificantur; & ex eodē sacri-ficio spiritū gratiæ haurimus, sine quo pro reatu pœnæ tem-poralis satisfacere non possemus. Porrò S. Augustinum ob Crucis sacrificium nō existimasse satisfactiones excludi, per-spicuum est ex his testimoniis, quæ cap. 9. protulimus.

AT QVÆ hæc de tota disputatione hoc loco sufficiāt. Nam quæ Martinus Kemnitius de Satisfactione attulit, partim sunt à nobis cap. 8. & 10. refutata; partim sunt ea ipsa testimoni-a, quæ Lutherus, Philippus, & Calvinus protulerūt. Certe nouū aliquod testimonium in tota Kemnitij disputatione reperire non potui: neque aliquam aliam sententiam, quæ speciem solidi argumenti præ se ferre videretur. Quemad-modum etiam quæ Kemnitius de Absolutione differuit, idè non excussum, quod nihil attulerit præter ea quæ in disputatione de Sacramentis in genere iam antè posuerat: ad quæ nos eo loco respondimus.

Finis quartæ Controuersiæ generalis, de
Pœnitentia.

AD HONOREM DEI.

卷之三

—
—

એ જી રામનગર કોણાંદ્રાંનું હોય તો અથવા

卷之三十九

FIG. 2. *Streptomyces* sp. 45